



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 8. S. Porphyrius Ganzensis Constantinopoli.

[urn:nbn:de:hbz:466:1-66042](#)

Hujus viri Depositio S. Joannis Chryso-Sæculum V.
 stomi inimicorum numerum plurimum A. C. 401.
 auxit. Ipso absente Eudoxia Imperatrix Socr. VI. c. 6
 filium in lucem edidit, quem ab Avi No- Soz. VIII.
 mine Theodosium vocaverunt. Natus c. 4. Marcell.
 est quarto Idus Aprilis, Vincentio, & Cir. an. 401.
 Fravita Consulibus, nempe decima Apri- Chr. Pasch.
 lis, anno 401. Hujus partus lætitia S.
 Porphyrio Episcopo Gazensi, qui ob Ec-
 clesiæ suæ causas Constantinopoli ver-
 fabatur, utilissima fuit.

§. VIII.

S. Porphyrius Gazensis Constantinopoli.

Sanctus Porphyrius Thessalonicae nobi- *Vita S.*
 libus, & opulentis Parentibus natus, *Porph.ap.*
 in Ægyptum migrans circa annum 378. *Sur. & Boll.*
 vestem Monasticam in Asceterio Seetiensi *26. Febr.*
 induit. Post quinquennium in Palæsti-
 nam venit, atque vendito Patrimonio,
 & inter pauperes disperso, opificium su-
 torium didicit, ut labore manuum sua-
 rum viveret. Episcopus Jerosolymita-
 nus Presbyterum eum ordinavit invitum,
 & S. Crucis custodiam commisit. Rur-
 susque Episcopus Gazensis nolens ordi-
 natur circa annum 396. at non ideo vi-
 tæ Monachorum renunciavit, nihil præ-
 ter panem, & legumina comedens.
 Urbs ejus Gaza Paganis erat repleta, in

O 3 qua

Sæculum V. qua sola octo Idolorum templa viseban.
A. C. 401. tur; cumque non modicum eorum nu-
merum converteret, cœteri adversus Pa-
storem, & gregem Fidelium in furorem
agebantur.

Ut se, suosque a Gentilium persecu-
tione tueretur, Diaconum suum Marcum
misit Constantinopolim cum mandatis,
ut ab Imperatore demolitionem templo-
rum & præprimis illius, quod Marnæ
Sacrum erat, peteret. Hoc illo tempore
factum, quo adhucdum Eutropii maxima
erat Auctoritas, & S. Joannes jam Epis-
copatum obtinebat, proinde anno 398.
Marcus Edictum obtainuit, quo templa
claudi jubebantur; at vero, qui missi
fuere, ut mandata Cæsaris exequen-
tur, auro Gentilium corrupti, Idola qui-
dem dejecerunt, & aliqua clauerunt
templa, sed licentiam fecerunt, ut Ido-
lum Marnæ secreto consuleretur. Ita-
que cum Gentilium animi in Christianos
magis in dies exacerbarentur, S. Porphy-
rius ad Joannem Episcopum Cæsariensem
se contulit, rogans, ut se a Regimine hu-
jus Ecclesiæ, onere intolerabili, libera-
ret, & discedendi licentiam daret. Joan-
nes mœrentem consolabatur, & horta-
batur, ut perseveraret. Tum Porphy-
rius Metropolitam obtestatus est, ut se-
cum iter Constantinopolim susciperet.
In illam urbem adventantes S. Joannem

Chry-

Chrysostomum adierunt, qui Hospites Sæculum V.
humanissime exceptit, & Diaconum Mar- A. C. 401.
cum, viæ socium, agnovit; is S. Porphy-
rii vitam scripsit. S. Joannes ambos, &
ipsorum causam commendavit Amantio
Evnicho, qui gratia apud Imperatricem
ollebat, eratque Dei servus piissimus.

Is ergo Amantius Episcopos introduxit in Cubiculum Imperatricis, in lectulo aureo decumbentis. Ipsa prior ingredientibus salutem dixit, petens Benedictionem Sacerdotalem, simulque excusans, quod, cum uterum gestaret, non posset assurgere. Ipsi modum persecuti-
tionis expoluerunt, quam Christiani a Gentilibus paterentur, qui nec libertatem agros colendi relinquerent, ut Tributa Cæsari possent reddere. Imperatrix respondit: *Bono animo estote, Patres mei! spero Dei Gratiam, meque Imperatori persuasuram, ut vos voti damnet. Ite, ab itinere quiescite, & pro me Deum orate.* Tum pecunias sibi afferri jussit, deditque ter, quantum pleno pugno capere poterat, dicens: *Hæc interim in aliquod viæ longæ subsidium accipite.* Lp̄i oblatam pecuniam acceperunt quidem, at exeentes, majorem partem inter Excubidores distribuerunt.

Imperatrix rem Marito indicavit, qui consentire renuit, quod timeret, Cæsareos redditus minutum iri, si Gazæ cives

O 4 male

Sæculum V. male haberet. Cum Episcopi ad eam

A. C. 401.

invisendam secundo venissent, rationem reddidit de iis, quæ Imperator respondebat, suasit tamen, ut spem non abjicerent. Tum S. Porphyrius vaticinii memor, quod Sanctus aliquis Anachoreta, nomine Procopius edixerat, hunc enim venientes in Insula Rhodo inviserant, ad Imperatricem, ut monitus fuerat, dixit: *Causam age Iesu Christi, & dabit tibi Filium.* Ad hæc verba vultus fœmina rubore suffusus, at cor gaudio exiliit. Respondit Episcopis: *Orate Deum, Patres mei, ut, sicut dicitis, filium pariam, & promitto vobis, facturam me, quod cunque petitis. Insuper Ecclesiam in medio urbis Gazæ ædificabo.* Intra paucos dies Imperatrix Theodosium peperit. Ingens fuit Parentum, populique latitia, & maxima in administratione Baptismi pompa. Inter hæc gaudia Imperatrix, quod petebant Episcopi, ab Imperatore obtinuit, scilicet Ecclesiis Reditus, & Privilegia, atque ut in urbe Gaza Idolorum templa demoliri liceret. Episcopi hoc anno 401. Festum Paschæ, quod in diem 14 tam Aprilis incidebat, Constantinopoli celebrarunt. Discessuros Imperator, & Imperatrix muneribus cumularunt. Postquam in Palæstinam redierunt, S. Porphyrius ope unius ex Proceribus, quem ad perficienda mandata

Impe-

eam
onem
onde
ojice
i me
reta,
enim
nt, ad
lifix:
tibi
mina
iliit,
Pa
iam,
uod
nma
ucos
erit
lati
Ba
ope
ope
edi
aza
pis
uod
on
ros
cu
re
ro
ata
pe

Imperator ipsi viæ Comitem dederat, Sæculum V.
Gazæ omnia templa destrui jussit. Ipsum A. C. 401.
Marnæ templum dirutum; atque in loco,
quo steterat, sicut Imperatrix voverat,
Episcopus Ecclesiam ædificavit.

§. IX.

Severiani Gabalensis Molimina.

Sanctus Joannes Chrysostomus Constan- *Chrys. homil.*
tinopolim rediit paulo post Festa Pa- *de regres. ed.*
schalia, cum absuisset ultra centum dies, *to. 7. p. 944.*
id est, circiter tres menses. Adveniens *Socr. VI.*
facile advertit, quod Severianus, cui Ec- *c. II.*
clesiæ Constantinopolitanæ curam de- *Soz. VIII.*
mandaverat, se calcato, ad summæ Au-
toritatis fastigium eniteretur. Severia-
nus Episcopus Gabalensis in Syria Elo-
quentiæ fama florebat, æque ac Antio-
chus Episcopus Ptolemaide in Phœni-
cia, quem pronunciandi facilitas, & a-
mœnitas vocis comendabant; hinc non
nulli eum Chrysostomum, id est, os au-
reum appellabant. Severianus rerum
inventione, & S. Scripturæ Lectione al-
tero magis versatus erat, sed minus pla-
cebat auditoribus, quod, cum Græce lo-
queretur, impediat enunciationem, quæ
Syris nativa erat, non emendaret. An-
tiochus Constantinopolim venerat, &
postquam aliquamdiu dixisset pro Con-
cione, collecta pecuniæ vi, domum re-
versus est. Hoc exemplo pellectus Se-

O 5 veria-